



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Antidota Evangelica contra horum temporum hæreses**

**Stapleton, Thomas**

**Antverpiae, 1595**

In Lvcæ Cap. 14.

**urn:nbn:de:hbz:466:1-39546**

Vnum h̄ic est quod in exemplum trahi non debet: Christus Herodem principem vulpem vocat, non ex contemptu magistratus, sed ex autoritate Spiritus, quā nemo imitari debet. Demonstrat quippe propriam sibi potentiam, quod opus legationis suo toto inuito mundo perficiet usque ad constitutum à Patre tempus. Hoc proprium Christo fuit.

## IN LVCAE CAP. 14.

14. *Retribuetur enim tibi in retributione iustorum.*

Bonorum  
operum  
merces.

**V**ALET h̄ic locus evidenter pro retributione bonorum operū apud Deum. Opponit enim Christus retributionem humanam, qui mutuam cōpensationem in suis conuiuijs venantur, retributioni quē à Deo futura est in resurrectione iustorum. At illa alia veri nominis retributio est; ergo & ista. H̄eretici hunc locum tractantes, imprimis Caluinus, nihil aliud à Christo h̄ic doceri volunt, nisi in conuiuijs illis humanis non exerceri charitatem, nec ad probādam charitatem illa sufficere. At Christus docet invitationem pauperum non solum esse opus charitatis Christianæ, sed etiam opus cui à Deo retribuetur in resurrectione iustorum, id est, in illa generali omnium iustorum glorificatione. Sic h̄eretici bona pietatis opera nihil nisi fructus quosdam fidei & charitatis, signaq; & notas filij Dei esse volunt: aliquid apud Deum valere, vel ad salutem conferre, contra evidentissimas Scripturas nolunt.

23. Come

## 23. Compelle eos intrare.

**T**A M E T S I ad literam de ipsorum prædicatorum verbi Dei ingenti studio, feruore, & adhortatione hęc verba intellegi debeant; nō est tamen improbanda S. Augustini expositio, vt eam hoc loco Caluinus ipse nō improbare se dicit, quā adhibet contra Donatistas epist. 48. vt prober piorum principum editis ad versi Dei cultum & fidei unitatem licet cogi præfractos & rebellles haereticos. Haereticorum tamen nuncupationem non exprimit hoc loco Caluinus, quia ipse met talis erat. Solūm præfractos & rebellles nominat. Et rationem subiungit ex August. defūptani, quia et si voluntaria est fides (meliūs dixisset, libera) videmus tamen ijs medijs utiliter domari eorum peruvaciam, qui non nisi coacti parent. Plura hac de re in Promptuario nostro Catholico diximus.

Haeretic  
ad offici  
cium co  
gendi.

## 33. Qui non renuntiat omnibus quae possidet, non postest meus esse discipulus.

**O**PERA precium est, insignem huius loci corruptelam ac depravationē Caluinianam obseruare, vt verus ac germanus literę sensus purius retineatur. Clarum & perspicuum est, Christi verbas sic vt sonat intelligi debere, & veram eorum quae possidemus abdicationem faciendam, omnibus diuēditis & in eleēmosynam datis, vel in communē vsum concessis, vt Christi discipuli simus, id est, Euangelicæ perfectionis statum arripiamus. Sic Apostoli ipsi fecerunt relinquētes omnia. Sic primi Christiani, Iudei maximē cōuersi, ex singulari fidei ferore etiā ipsa consilia Euangelica veluti præcepta amplectentes, omnia sua vendebant, & ad Apostolorū A&t. 4.

Domin. 5  
post  
Epiph.  
tex. 3.

M m pe-

pedes deponebant. Vide August. de doctr. Christ. lib. 3. cap. 6. Postea illa perfectio ad paucos redacta est, qui à vita solitaria monachi dicti sunt, de quo vide Aug. in libello de moribus Eccle. Cath. Tom. 1. Nunc totum hunc sensum deprauat Calvinus Praeposterè (inquit) faciet sī quis literam præcise vigeat, quasi nemo sit Christi discipulus nisi qui in mare proiecetur quicquid possidet, adeoque diuortium fecerit cū uxore, & liberis valedixerit. Talibus figurant ad monachatum inducti sunt stulti homines, ut ad Christū accedere volentes, ab humanitate deficerent. Atqui nemo verius remittat omnibus quæ possidet, quam qui singulis momentis relinquere paratus, torum se quasi liber & solutus Domino impedit, & omnibus obstaculis superior vocationem suam prosequitur.

Hac ille. Impostor improbus dum statum monasticum reprehendere vult, alia fingit quæ nemo monachus facit. Nemo futurus monachus in ma-

reprojicit quicquid possidet. Nemo cū inuita cōiuge diuortium facit. Nemo sic liberis valedicit, vt eis prius, quātum in se est, non prospiciat. Nec coniugatus nec liberorum pater ad monachismi professionem aliter admittitur. Sic solet Calvinus sententiam Catholicam quam refellere vult, qualis est in proprijs terminis nunquam aut perraro proferre; sed mutato controversiæ & questionis statu, non sententiam Catholicā sed suū figuratum refutare. Mentitur ergo Calvinus affirmans homines ab humanitate deficere ut ad Christum accedant. Quod postremo dicit, ita falsum & impium est ut Apostolos & omnes primos Christianos stultitiam & impietatis cōuinciat, qui de facto omnia sua reliquerunt ut Christum verius sequerentur. Alius ille modus quem Calvinus ponit, bonus quidem est renunciandi modus, & omnibus Christianis necessarius, qui sic debent uti hoc mundo quæs-

*quasi non vitantur; sed quod verior & melior modus non sit, solum Apostolorum exemplū sufficiens demonstrauit.*

## IN LVCAE CAP. 15.

10. *Gaudium erit in cælo & coram Angelis Dei.*

**S**OLO ENT hæretici Sæctos in cælo mortuos Sancti invocare, & eorum quæ hic aguntur penitus cælo nostra cognoscuntur. ignaros afflere, vt sic eorum inuocationem planè ridiculâ esse ostendat. Sed quum de Sanctis dicat infrâ Christus, quod erunt æquales Angelis Dei. Luc. 20. hic autem conuersione pœnitentiū adeò Angelis notam affirmet ut de ea in celis gaudeat, manifeste sequitur, beatis quoque in cælo regnantiibus eandem esse notam. Nulla autem ratio est, cur iustorum preces & vota non cognoscant, qui peccatorū pœnitentiā cognoscere, & de ea lætari possunt. Nec æquales Angelis Sæcti essent, nisi in eodem saltâ scientiæ genere paritas & similitudo foret.

24. *In se reuersus dixit, &c. Surgā, & ibo ad Patrem meum.*

**H**AERETICI hodie, vt solius fidei iustificantis dogma stabiliat, ne ipsa quidem pœnitentiā ad remissionē peccatorū necessariâ esse volunt. Docet quippe pœnitentiā ex fide iustificante nasci, & nemine pœnitere posse nisi qui iam sit filius Dei, & per fidem specialē Deum sibi propitiū credat. Sic latè & accuratè Caluinus Institut. lib. 3. cap. 3. num. 1. Hac hæresim hæc sola parabolade filio prodigo luculenter conuincit. Hic enim in exemplo maximæ misericordiae Dei quod à Christo proponitur, ea non confertur, nisi reverso prius peccatori in se per odiū peccati, & spem

M m 2 ve-

Pœnitentiā  
tiæ doctrinæ  
Caluino  
corruptæ